

石刻史料新編

第三輯

(一四)

新文豐出版公司 印行

地方類

湖北省

潛江貞石記

八卷

民甘鵬雲纂 001

湖南省

善化古蹟志

不分卷

清張先掄撰 119

武岡內篇

不分卷

清鄧 繹撰 127

攸縣金石志

不分卷

清嚴鳴琦撰 141

寶慶藝文略

二卷

清鄧顯鶴纂 145

新化金石志

不分卷

清劉洪澤纂 181

衡陽金石志

不分卷

清馬倚元撰 191

清泉碑刻志

不分卷

清江 恂撰 203

清泉金石志

不分卷

清張修府纂 209

衡山金石志

一卷

清文嶽英撰 217

常甯金石志	不分卷	清李孝經撰	2 3 7
永州金石略	一卷	清宗績辰纂	2 4 3
桂陽碑銘志	不分卷	清王闈運撰	3 7 1
臨武金石志	不分卷	清鄒景文撰	3 7 7
桃源金石志	一卷	清劉鳳苞纂	3 8 1
石門金石志	不分卷	清蘇益馨修	4 0 5
零陵金石志	一卷	清劉沛纂	4 0 9
四川省			
四川金石志	三卷	清楊芳燦撰	4 7 1
成都金石志	不分卷	清衷以燠撰	5 4 1
成都金石志	不分卷	清衷興鑑纂	5 4 7
華陽金石志	一卷	清潘時彤撰	5 6 3

2047/04

民甘鵬雲纂

潛江貞石記八卷

息園居士
筓乙亥九
月潛江甘
氏崇雅堂
閑雕丙子
六月竣工

潛江貞石記敘

禹貢紀山川物產詳矣無與於貢賦則略故响嘖之碑委
宛之金簡玉文不著於篇以地志而兼具碑刻則鄴氏水
經注爲之先驅也其注河也具闕林山銘漢司徒黃尚墓
石闕其注江也具荊州刺史胡奮碑平南將軍王世將刻
石是爲楚北貞石見於記載之始潛固楚水也注不之及
近代葉氏志詵湖北金石錄陳氏詩湖北金石存佚考亦
遺之豈潛之義固宜爾耶抑將有所待而後顯也吾友甘
子藥樵籍於潛旣老不欲爲世用以著述自娛悅授予潛
江貞石記八卷命爲敘夫潛江爲縣視諸邑較後且厄於
水數移徙官不恆厥治民不恆厥居宜夫貞石之存毀有

黃敘

崇雅堂叢書

無艱於紀錄也藥樵乃殫其心力竭蹶以求之自置縣以
來五六百年間瑰璋奇異累世不經見之文字沈沒於飛
流巨湍魚龍之窟者一旦駢聚於方寸卷中其鑿空之功
偉哉弗可及矣昔者隋史萬歲之討南寧蠻也入蜻蜒川
什諸葛忠武侯而後進唐姜行本之征高昌也見柳谷班
定遠碑磨其文更鐫已功烈武夫乘時躍起挾其喜功好
大之心驕悍恣睢無毫髮顧忌崑岡玉石不恤以一炬燼
之其自附於好古者則又鑿山發冢窮搜力索輦而歸之
私室用意各殊其爲文字禍一也藥樵所遭之世不能踰
於昔猶得奮其老筆手編目校以富其名山之藏非潛江
之厚幸歟禹貢荆梁二州皆有潛水經則著梁而遺荆潛

江故禹貢荊州屬境旣蒙其名矣吾願藥樵考諸貞石疏
通證明之漢出爲潛之說竊疑非確詰也丙寅孟春月崇
仁黃維翰撰

黃敘

崇雅堂叢書

潛江貞石記敘

物之壽者莫如金石垂不朽詔來禩其用博矣自歐陽氏為集古錄薛王洪趙繼之是後乃有金石之學近代儒生好之尤篤以為可以斟經籍之異文訂史傳之差誤識六書之變假非徒務藏弄矜賞鑒作耳目近翫而已清初黃顧二氏號稱通儒亦嘗究心於此下逮錢大昕翁方綱畢沅阮元王昶孫星衍之倫網羅益富考據益精各有纂述之書蔚成專門之業可謂盛矣然者古略今集錄金石大率迄元而止若六朝隨唐閩井俚俗之記則皆詳著而不遺斯其蔽也今世距元五六百年矣其間賢士大夫文字有關於地方利病鄉里文獻者何限乃因其時代較近以

自敘

三 崇雅堂叢書

為可以一切屏棄豈通論乎潛江設縣肇宋乾德頻遭水患縣治播遷金石文字至元始有可紀錄在元以前多亡佚不可可惜哉惜哉昔漢陽葉志詵蘄州陳詩皆以撰錄湖北金石名葉有湖北金石錄十卷陳有湖北金石存佚考三十二卷宜都楊守敬稍後出有湖北金石記十四卷其用力不可謂不勤而潛江無片石箸錄者何哉蓋由諸公著書一踵前人成例不及元代以後而潛江舊志不志金石無可依據故也嘉慶湖北通志錄金石雖下迄明代僅有潛江兩碑而所錄萬歷十三年一碑仍不免沿誤潛江澤國遷變無常吉金貞石銷蝕滅沒於陽侯之波者曷可勝道其幸而僅存則又大半棄擲傾仆於荒墟野徑之間榛莽之所蔽翳牛羊之所踐踏無過而問

焉者不及今蒐錄竊恐日朘月削不化為礪石柱礎不止其後縱有好古之士欲一考其名目求其時代而亦不可得豈非金石之奇阨也哉吾為此懼本前人之記載據父老之傳聞蒐僅存之石刻起元代訖近世為潛江貞石記八卷藉以補舊志之闕而興起學子存古之心是則區區之微意也有能匡我之失而益所未備者乎俟諸方來已乙丑秋九月重陽日潛江甘鵬雲自敘

自敘

四 崇雅堂叢書

潛江貞石記凡例

是編初本稱金石記惟所甄錄石刻為多金僅元鐘一器殊苦名實不符因改稱貞石記而以元鐘附焉

潛江設縣肇始趙宋澤國患水縣治播遷趙宋以前無片石存存於今者惟元伯顏詩刻年代較遠蓋宋咸淳十年也今託始於此自是而後凡有石刻悉著於錄斷自清末為止

歐趙著錄金石各有跋尾今一踵其成例凡刻石緣起樹碑年月所在處所撰人書人姓名仕履以至碑之或存或佚或未見概於跋尾詳之或有關文獻考徵及匡謬訂譌之處亦附著焉

凡例

一 宗雅堂叢書

是編意在網羅一巨文獻不徒摩挲古物而已故碑文凡有文詞美好者無論存佚未見概為甄錄以備一方故實否則但錄其目不錄其文至其立碑緣起則於跋尾述其概略焉

所錄碑文其存者據碑刻錄入其亡佚未見者則據邑志或各家文集錄入必注明所自用備參稽

凡碑刻不存文亦未見但存其目者其根據何書必詳為援引俾人知所從來

所錄碑自以年代先後為次其無年月可考者則附諸各朝之後

凡石刻已見前人紀載而近於附會者不錄如邑志載乾

隆時磚橋垸民孫雲掘地得一棺前有三尺許石碣字皆

漢篆馬作楷識為漢侍中馬良之墓此說余未敢信史稱馬良從先主征吳敗於彝陵遇害爾時荊州為吳有潛江為荊州江陵地豈有敗死彝陵遠葬敵境之理磚橋垸之馬良墓出於附會無疑今不錄馬良墓碑者以此

凡石刻見諸前人紀載而杜撰無根者不錄如嘉慶湖北通志載有潛江縣重修儒學碑云萬曆十三年吏科左給事中巨人劉道隆撰文左布政使司參議巨人李雲舉書丹河南按察司副使歐陽東鳳篆額在潛江縣儒學考劉道隆為萬曆十四年唐文獻榜進士歐陽東鳳為萬曆十七年焦竑榜進士碑既立於萬曆十三年是年劉歐二公

凡例

二 宗雅堂叢書

尚未通籍焉得有官況書丹之李雲舉潛江並無其人乎不解通志何以有此無根之紀載也既明知其誤故不以入錄

凡頒勒各府州縣之碑如元戒石銘明洪武學校格式碑弘治教條碑嘉靖敬一箴御書程子四箴清順治臥碑康熙聖門五贊訓士子文乾隆紀功三碑之類縣縣皆有本非一縣所得私準以康海志武功不錄宋大觀碑之例似可不錄然予以為康氏之所執者特為修方志言之至於最錄金石專以金石為主原與修志不同不特殘碑之幸存者在所必錄即舊刻之佚亡者亦不可遺蓋金石刻畫關係一方文物豈可以縣縣皆有而棄之以故頒勒各碑

仍舊錄入

頃承友人張友笙明經詩俊以明董碧臺墓志郵寄京師
乃新出土者從子世恩亦親拓明清兩朝碑刻數十通見
寄助我蒐集於是編不無微勞附記於此以見此書之成
非于一人之力也

聞鄉人言荒田野徑叢祠破冢時見殘石如有好事者畱
心訪尋當復不少予遠羈都門耳目有限是編所錄望漏
滋多同里諸君子倘能助我蒐集乎是則輒生禱祝以求
者也拾遺補闕容俟續編

凡例

三

崇雅堂叢書

潛江貞石記目錄

潛江甘鵬雲纂

卷一

元伯顏白鶴寺題壁詩刻 至元十一年卽宋咸淳十年存

元陽西廣佛寺鐘銘 延祐二年佚

元潛江縣重修儒學碑記 延祐七年李惟中撰文佚

元鄭侯德政碑記 至正七年安惟懷撰文佚

元戒石銘 至正十年佚

明洪武學校格式碑 洪武二年佚

明太祖諭祭都指揮僉事余隆文 洪武八年佚

明太祖諭祭指揮鄭忠文 洪武十年佚

目錄

一 崇雅堂叢書

明太祖諭祭都指揮僉事余威文 洪武十四年佚

明交趾按察使李宗信墓碑 宣德中無年月佚

明潛江知縣馬繼宗墓碑 宣德中無年月佚

妙庭觀碑記 景泰五年李浩撰文佚

大佛寺經藏碑銘 天順二年王謙撰文佚

城隍廟碑記 成化元年方嵩撰文佚

花封隄頌 成化九年張業撰文佚

重修妙庭觀碑記 成化十一年羅善撰文佚

弘治敕諭提學教條碑 正德三年郭鳳刻石存

潛江敖侯新開恩江河碑記 嘉靖二年魯鐸撰文佚

卷二

明世宗御製敬一箴 嘉靖六年蕭廷達刻石存

明世宗御書程子四箴 嘉靖六年蕭廷達刻石佚

潛江縣新修城門碑記 嘉靖二十三年湛若水撰文佚

楠柯廟記 嘉靖二十七年黃學準撰文佚

夏侯築城記 嘉靖三十年涂堅撰文佚

潛江縣重修儒學碑記 嘉靖三十一年鄒守益撰文佚萬

明贈監察御史初珍勅命碑 嘉靖中無年月佚

明工部員外郎北華劉公墓表 嘉靖中無年月劉陽撰文佚

潛江重修縣署碑記 隆慶五年張師載撰文佚

漢伏波將軍祠記 隆慶五年李崇信撰文存

隨處體認天理刻石 隆慶中無年月袁國臣書存

目錄

二 崇雅堂叢書

明穆宗諭祭浙江巡撫張師載文 隆慶中無年月佚

明浙江巡撫都御史少渠張公墓表 隆慶中無年月佚

潛江縣修城碑記 萬曆五年朱熙洽撰文佚

潛江縣重修儒學碑記 萬曆七年袁國臣撰文佚

崑山朱公祠碑記 萬曆九年魏邦衡撰文佚

隗公還券亭碑記 萬曆十二年王建中撰文佚

潛江縣王侯修學記 萬曆十三年費尙伊撰文佚

勅封歐陽母劉孺人墓志銘 萬曆十三年陳文燭撰文未見

潛江縣重修儒學碑記 萬曆十五年歐陽柏撰文劉應同

守官箴刻石 萬曆十八年曹珩撰文佚

潛江縣城隍廟碑記 萬曆十九年劉垓撰文佚

卷三

潛江縣科甲題名碑萬歷二十二年劉垓撰文曹珩刻石存

潛江縣貢士題名碑萬歷二十二年劉道隆撰文曹珩刻石存

同仁書院記萬歷二十四年鄒元標撰文佚

同仁書院記萬歷二十四年劉元卿撰文佚

潛江縣重修儒學泮池記萬歷二十六年郭之幹撰文存

漢關夫子祠碑記萬歷二十七年潘之祥撰文未見

新建肅齋所記萬歷二十八年柴恪撰文郭之幹書丹歐陽東鳳篆額存

合建陰陽醫學碑記萬歷二十八年李鳴撰文佚

萬壽寺記萬歷中無年月歐陽柏撰文佚

關夫子祠碑記萬歷中無年月歐陽柏撰文佚

目錄

崇雅堂叢書

明海豐知縣喻曉白撰志銘萬歷中無年月未見

明山東參政袁公墓志銘萬歷中無年月周嘉謨撰文未見

明處士碧臺董君墓志銘萬歷三十年曹大成撰文存

卷四

明知邠州事初公墓表萬歷三十一年李維楨撰文佚

明兵部職方司主事慎庵柴公墓志銘萬歷三十二年費尙伊撰文未見

明兵部職方司主事柴公墓碑萬歷三十二年李維楨撰文未見

明兵部職方司主事柴公墓表萬歷三十二年焦竑撰文未見

明中憲大夫慶遠知府郭公墓志銘萬歷三十一年郭正域撰文未見

明中憲大夫恭岡郭公墓碑無年月費尙伊撰文未見

潛江縣重修儒學碑記萬歷三十二年鄒守益撰文劉道隆書丹李之皞篆額存

潛江縣尊經閣碑記萬歷三十二年曾可前撰文佚

明雲南按察司副使歐陽公墓志銘萬歷三十三年李維楨撰文佚

明潛江縣尹婺源潘公政績碑萬歷三十五年安尙禮撰文佚

卷五

明康州守參宇歐陽公夫婦合葬墓志銘萬歷四十一年費尙伊撰文佚

明奉政大夫德慶州知州歐陽先生墓表萬歷四十年熊廷弼撰文存

明德慶州知州參宇歐陽先生墓碑銘萬歷四十年賀逢聖撰文存

曲柳銘萬歷中無年月歐陽東鳳撰文佚

歸鶴洞刻石萬歷中無年月董其昌書佚

明嘉興府知府衡螺劉公墓志銘萬歷中無年月鄒元標撰文未見

明監察御史劉寅自撰壽藏記萬歷中無年月未見

目錄

崇雅堂叢書

明贈文林郎朱公墓志銘萬歷中無年月鄒德溥撰文未見

明雲南參政吳公墓志銘萬歷中無年月周士昌撰文未見

明戶部郎中李公墓志銘萬歷中無年月呂慎多撰文未見

明刑部員外郎朱公墓志銘萬歷中無年月王鳴玉撰文未見

明太僕寺少卿歐陽公墓志銘萬歷中無年月孫慎行撰文未見

明浮休老人墓志銘萬歷中無年月歐陽東鳳自撰文未見

明太學胡繩澤夫婦墓志銘萬歷中無年月費尙伊撰文未見

東嶽廟碑記天啓三年劉必達撰文未見

明蓬萊陳公祠碑記天啓六年撰人姓名闕佚

明頌上知縣夢庵柴君墓志銘崇禎中無年月黃正色撰文未見

重修忠義廟碑記崇禎十年陳一奇撰文佚

明張徵君墓志銘 崇禎十二年歐陽丞撰文未見

明副使歐陽公墓志銘 崇禎十六年劉肇國撰文未見

勸忠歌 崇禎中無年月郭欽述并書存

止園記 崇禎中無年月楊嗣昌撰文佚

松雲閣記 崇禎中無年月祝世祿撰文佚

石坊七十六座 增

卷六

清明倫堂臥碑 順治九年存

清吏部文選司員外歐陽公墓志銘 順治十年顧景星撰文未見

明桂林府知府朱公墓志銘 順治十一年劉若金撰文未見

孟公隄碑 順治十一年撰人姓名闕佚

目錄

清世祖諭祭贈按察司僉事涂起鵬文 順治十七年未見

綠麻黃灣修隄碑記 順治十七年顏敏撰文佚

周貞女墓碣 順治中無年月向大觀撰文佚

明刑部尙書雲密劉公墓志銘 康熙四年郭都賢撰文未見

重建崑山朱公祠碑記 康熙六年徐乾學撰文佚

裁撤潛江稅關碑 康熙八年撰人姓名闕佚

清陝西按察司僉事青雪劉公墓志銘 康熙九年張玉書撰文未見

新豐隄碑記 康熙九年劉餘霖撰文佚

傳經書院碑記 康熙十年朱士尊撰文佚

邵陽王公祠碑記 康熙十三年王文南撰文佚

清鄉飲大賓眉叟李公墓志銘 康熙十三年呂慎多撰文未見

學士劉公祠堂碑記 康熙十九年朱允治撰文存

檢藏敬一亭殘碑記 康熙二十年余世羽撰文存

禁止協濟隄工碑記 康熙二十一年黃里撰文佚

潛江禁革里排刻石 康熙二十四年佚

景峰庵碑記 康熙三十年劉煥撰文存

新建恆豐倉碑記 康熙三十一年劉煥撰文存

文昌祠碑記 康熙三十三年莫與先撰文佚

清聖祖御製至聖先師孔子贊 康熙三十四年呂夏音刻石存

清聖祖御製顏曾思孟贊 康熙三十四年呂夏音刻石存

重修文廟刻石 康熙三十九年呂夏音撰文存

清聖祖御製訓飭士子文 康熙四十一年史湛刻石佚

目錄

卷七

重建啓聖祠記 康熙四十八年程有年撰文存

重修戟門記 康熙四十八年程有年撰文存

清處士段天門丈人墓碣 康熙五十一年吳元欽刻石佚

洪水區碑 康熙五十七年胡燦撰文存

重修崇聖祠刻石 雍正七年郭循撰文存

保定府知府康正古墓碑 雍正中無年月撰人姓名闕佚

重修戟門記 乾隆四年顧祖年撰文存

重修儒學泮池記 乾隆九年王槩撰文存

清高宗御製平定金川告成太學碑文 乾隆十四年王瑛刻石存

沙窩院騎馬隄碑記 乾隆十六年曹鑾撰文佚

崇雅堂叢書

修築沙窩騎馬大月隄碑記 乾隆十九年杜汝愚撰文伏

重修傳經書院碑記 乾隆十九年杜汝愚撰文蕭承訓書

清高宗御製平定準噶爾告成太學碑文 乾隆二十年杜

清高宗御製平定回部告成太學碑文 乾隆二十四年存

卷八

史公書院碑記 乾隆四十一年吳仲英撰文存

騎馬隄挽月碑記 嘉慶二年許恂撰文存

重修傳經書院碑記 嘉慶六年許恂撰文存

崇義祠碑記 嘉慶七年劉廷銓撰文存

優免聖裔差徭刻石 嘉慶十五年徐洲撰文存

重修戟門記 嘉慶十七年徐洲撰文存

目錄

七 崇雅堂叢書

重修尊經閣記 嘉慶十九年高如川撰文存

重修儒學泮池碑記 嘉慶十九年劉澍撰文伏

傳經書院膏火碑記 道光五年舒正戴撰文存

創建義學記 道光十四年謝慶遠撰文存

潛江縣考棚落成記 道光二十年何渭珍撰文何桂珍書

重修景峯寺碑記 道光二十二年趙長勗撰文朱大中書

整頓潛江漕務積弊碑 咸豐七年佚

孝子李光海碑 同治五年劉壽椿撰文程德濟書丹存

文明橋碑 同治七年郭美彥撰文伏

社林月隄碑記 光緒四年西區士民公立存

史公隄碑銘 光緒五年王鑒撰文未見

坵中坵隄碑記 光緒五年撰人姓名闕存

騎馬隄刻石 光緒二十二年鵬雲撰文并書丹存

目錄

八 崇雅堂叢書

潛江貞石記卷一

潛江甘鵬雲簪

元伯顏白鶴寺題壁詩刻

水戲輕提百萬兵大元丞相鎮南征舟行漢水波濤息馬
踐吳郊草木平千里陣雲時復暗萬山營火夜深明皇天
有意亡殘宋五日連珠破兩城至元甲戌十月伯顏

右詩石在縣西六十里長壩垸白鶴寺寺距沙洋新城
不遠在宋末沙洋新城並為重鎮沙洋守將為王虎臣
王大用新城則都統制邊居諠守之與鄂州相犄角以
拒元元至元十一年伯顏以丞相統兵伐宋循漢江趨
鄂州攻沙洋生擒虎臣大用進薄新城居諠力戰不支

潛江貞石記一

崇雅堂叢書

自焚死事具元史爾時伯顏蓋駐兵白鶴寺詩亦此時
所作考元史破沙洋為十月乙丑破新城為己巳相距
纔五日故其詩有五日連珠破兩城之句當趨鄂州時
阻水不能涉伯顏曰吾且飛渡大江而憚此潢潦耶乃
召一壯士騎而前麾諸軍畢濟詩所謂舟行漢水波濤
息者此也讀其詩殊有氣吞殘宋之概宜其所至有功
伯顏元史作巴延至元十一年則宋度宗咸淳十年也
元陽西廣佛寺鐘銘

右鐘銘舊在縣城外西北大佛寺寺燬於咸豐粵匪之
亂鐘棄置荒坵間予幼時尚及見之今殘破無存矣其
款識見康熙志云大元國湖北道江陵路潛江縣長樂

鄉梁王莊土地施主周興旺造大鐘一口捨入本邑陽

西廣佛寺延祐二年六月凡四十五字考元史地理志

至元十三年改江陵府為上路總管府天歷二年改為

中興路屬荆湖北道鐘鑄於延祐二年則在未改中興

路以前款識應稱荆湖北道不得但稱湖北道應稱上

路總管府不得沿江陵府之舊而稱江陵路望而知為

閻井淺人所為也長樂鄉在縣西至今其名未改惟廣

佛寺則不知所在蓋燬久矣鐘舊在廣佛寺而在大佛

寺者據康熙志云明嘉靖元年大水潰護城隄巨浪中

鐘聲隱隱自上流來至大佛寺門而止僧遂移置佛殿

土人稱為浮鐘此事殊怪附記於此亦可備異聞也

潛江貞石記一

崇雅堂叢書

元潛江縣重修儒學碑記

荊州古名郡其邑有七潛治獨濱湖澤間隄防衝決民罹
水厄屢矣至元癸巳之春學隨邑遷教官龔濱楊公實草
創之至今日阮公伯顏被命來宰是邑殿諄之日慨然歎
曰學校雖設而宮牆廟貌弗稱匪闕典歟於是謀諸同僚
請於分按僉憲納刺及李庭珪率摺紳之士相助金穀再
新斯宮己未秋昇土埴基鳩工輸木不旬月禮殿落成越
明年春雕塑聖像廣以兩廡繪素宮牆煥然一新又妙選
弟子員入學肄業復增贍學田糧令師生可以繼守既畢
工用性率僚屬而祀邑之士民請書其事於石用敢紀其
事而書焉延祐庚申孟春月十有五日潛江縣學教諭李

惟中記

右碑舊在縣儒學元延祐庚申年立今亡文見康熙志
教諭李惟中撰葢重修廟學時所記稱至元癸巳學
隨邑遷乃知今治之遷實在元至元三十年潛江縣治
初在縣南道隆鄉豆子湖後以頻罹水厄乃遷今治至
遷於何年則舊志所未載詢諸父老亦語焉不詳非此
碑不能知其審也據文獻通考潛江設縣始宋乾德三
年由元至元三十年上溯宋乾德三年幾三百三十年
其間宦潛者之政績與夫邑人士之科名仕宦及其文
章行誼可稱道者當不乏人乃檢舊志邑人士之通籍
者宋僅畢漸一人元僅林士淵一人其官師僅元有阮

潛江貞石記一

崇雅堂叢書

伯顏鄭文暹楊碧濱李惟中四人而宋乃無一人何哉
葢由邑苦水患縣治播遷私家著述經蕩析而無存金
石遺文隨洪流以俱盡加以宋元兩代邑乘無人纂修
概文獻之無徵嗟舊聞之蕪落以故後人修志不能不
暫從葢闕非盡闕載筆者之疏漏矣阮伯顏楊碧濱李
惟中諸人之得列於邑乘者以有此碑耳不賴此碑何
由知其姓氏哉金石之亟應保存者在此也據近刻湖
北通志貢
舉表李廷珪石首人元至治元年宋本榜進士官
至議事大夫未審卽此碑之李廷珪否附此俟考

元鄭侯德政碑記

仕而至守令者葢親民之重任也昔漢明帝曰郎官上應
列宿出宰百里任非其人民受其咎然則是官者可平於

民任牧民之責不亦重乎潛邑前宰承務郎鄭公文暹荆

人也世有令德幼而學壯而仕備歷清顯及其來治潛也
導揚風化撫字黎元敦四民之業崇五事之利審察冤抑
勞形案牘公正廉潔剖決如流可謂至清徹底至明燭物
在易旅卦之象曰山有火旅君子以明慎用刑而不留獄
則公之心君子之心也其明慎用刑片言折獄使訟者平
賦者均歸於無訟而後已然潛之爲邑當江漢二水之衝
前人以修理隄防之制不明達導溝瀆之事弗講所以或
秋而大水或夏而大水以至於無麥無苗農夫失望而困
於饑寒及我公下車視民之溺如己之溺躬督隄防以爲
已任盡心盡力始終不倦民不勞而隄成克免水患疏開

潛江貞石記一

崇雅堂叢書

溝瀆以爲民便公之力也此非所謂愛百姓如己子處公
事如家事者歟甲申之旱年穀不登民皆缺食老羸因什
壯者四散流離塗炭深可憫焉我公以不忍人之心行不
忍人之政備申所屬轉聞朝省發倉廩賑貧乏人得以全
活者不可數計斯公愛民之心救荒之政自不逃於當世
之公論前宋熙寧中福人有鄭俠者因時亢旱其間所見
轉徙之民扶老攜幼饑寒困苦之狀呼畫工列爲流民圖
上獻之朝神宗覽之下責躬之詔越三日大雨竊惟二事
先後一轍均出於鄭公之門可謂仁人之心繼志述事
者矣比以歲荒盜賊竄起公以計謀掩襲追捕方其未獲
也運籌畫策廣布耳目誓在悉擒及其既獲強竊各伏其

罪盜息民安花村月明夜無犬吠詩云愷悌君子民之父
母其惟我公乎公之來潛三載之久矣道以政而民興行
齊以禮而民心服若夫以道治以德化則前古亦莫之過
也揆之於昔時苗爲壽春令去而畱犢何武爲九江守而
人有去後之思今公之美媿也潛人能不以其實而錫於
石宣武李帥來請於予愚辭不獲敢敘公之梗概以備觀
風者之採擇云時至正七年

右碑元至正七年立今亡文見康輿志安惟懷撰碑稱
鄭文暹荆人湖北通志亦同潛江時屬中興路卽荊州
府蓋元代地方官大都如宋制多用近地人不似後代
迴避本籍也碑紀甲申之旱乃至正四年文暹宰潛三

潛江貞石記一

五 崇雅堂叢書

年則去任當在至正六年而至正七年潛人爲之立碑
實在去任以後眞所謂去後之思也文暹去今五百餘
年其宰潛政績潛人至今猶能言之以此碑文存耳
不然良吏姓名之湮沒不彰者可勝道哉安惟懷朱士
尊潛江志此書未刻北平圖書館尚有殘鈔本以爲邑人而朱載震潛江
志但以爲元耆儒不云邑人是否潛人疑不能明也附
此俟考

元戒石銘

右戒石銘舊在縣署儀門內其銘文曰爾俸爾祿民膏
民脂下民易虐上天難欺末署至正十年中興路潛江
縣達魯花赤兼勸農事明安達爾立石凡四十字明萬

歷二十八年知縣潘之祥建戒石亭覆之自咸豐髮匪
之亂縣署被焚碑亭俱燬矣今天下郡縣皆有戒石銘
初不知何人語亦不知始何時後閱蜀檇杌乃知銘爲
蜀主孟昶語蓋昶廣政四年曾撰官箴頒於郡國其詞
曰朕念赤子旰食宵衣託之令長撫養安綏政存三異
道在七絲驅雞爲理畱犢爲規寬猛得所風俗可移無
令侵削無使瘡痍下民易虐上天難欺賦役是切有國
是資朕之爵賞固不逾時爾俸爾祿民膏民脂爲民父
母罔不仁慈勉爲爾戒體朕深恩繼閱明李詡戒庵隨
筆又知節昶語四句令天下郡縣刻石始於宋太宗時
自宋迄今因而不廢耳不觀其全文不知所節四語之

潛江貞石記一

六 崇雅堂叢書

簡要而懇摯也按孟昶全文景煥野人關話亦載之客
而宋太宗剛中開集餘餘考亦記戒石本於孟昶
節書而願之明安達爾字士元元統元年進士至正中
爲潛江達魯花赤後以沔賊逼城倡勇敢出鬪死闔家
殲焉事蹟見康熙志忠節傳

明洪武學校格式碑

洪武二年十月廿五日左丞相宣國公欽奉聖旨今後立
學校春秋休要祭祀設科分教禮樂射律書數係每定擬
來欽此會集省臺部官逐一議擬於十月廿七日早朝奉
天門奏奉聖旨節該學校合行的勾當教秀才每用心講
究著行欽此欽依會議定擬到各項事理洪武二年十一
月十八日中書省楊右丞陳參政睢參政右司郎都事禮

部崔尙書於奉天門東板房內奏奉聖旨准釐定立罪名同這格式各處學校都鐫在石碑上欽此

學校格式

一生員入學定例 凡各處府州縣責任守令於民間俊秀及官員子弟選充必須躬親相視人才俊秀容貌整齊年及十五之上已讀論孟四書者方許入學其年至廿之上願入學者聽在內監察御史在外按察司巡歷到日逐一相視生員有不成材者黜退另行派補

一選官分科教授 禮律書共為一科訓導二員掌教禮律書者 樂射算共為一科訓導二員掌教樂射數教射

潛江貞石記一

七 崇雅堂叢書

於知音律能射弓能算法者 上項訓導禮樂射書數律但是能一或二等者從各處守令考驗各取所長相兼教訓 府教授州學正縣教諭掌講明經史務使生員知孝弟忠信禮義廉恥通曉古今識達時務及提調各科訓導教習必期成效 上項教官從各處守令於儒士有才德有學問通達時務者選充官為應付行糧腳力悉赴中書省考驗

一生員習學次第 侵晨講明經史學律飯後學書學禮學樂學算未時習射弓弩教使器棒舉演重石學此數件之外果有餘暇願學詔誥表牋疏議碑銘傳誌者聽從其便 禮樂二事見行集議比後成書頒降習學

一生員額數 府設四十員州設卅員縣設廿員

一師生廩膳 每人日支米二升柴油鹽醬在內於本處係官錢糧內放支

一學內設空閑地所以為射圃

一教官出身俸給嚴立等第如果教育有成效異材出眾者不拘資格優加擢用俸給就於本處係官錢糧內放支

一生員入學姓名每季申報合干上司置立文簿附寫某府某州某鄉某戶

一守令每月考驗生員 觀其進退揖拜之節聽其言語應對之宜背讀經史講通大義問難刑律試其處決講禮務通古今寫字不拘格式審音詳所習之樂觀射驗其稽

潛江貞石記一

八 崇雅堂叢書

力又能中的稽數明其乘除口手相應守令置立文簿同教授紀載諸生所進功程如一月某生某科學不進則紀載於簿至此科三月學不進者罰此科訓導月米半月罰多不過一月

一監察御史按察司巡歷去處考試各府州縣教官生員府生員十二員學不進者罰守令俸錢半月教授及某科訓導各罰俸錢一月廿員學不進者守令罰俸錢一月

教授及某科訓導黜退廿員之上學不進者守令管四十州生員八員學不進者守令罰俸錢半月學正及某科訓導各罰俸錢一月十六員學不進者守令罰俸錢一月學正及某科訓導黜退十六員之上學不進者守令管四